

Mihi Res, non Me Rebus.



Ll.

35167

Bibliotheca

*M. Ilyacinthi Theodori Baron,
Antiqui Facultatis Medicinæ
Parisienſis Decani, nec non
Castrorum Regis, et Exercituum
Proto medici.*

R

16e

MICROFICHE

- 1388 -



23 25 1 6 7

35167

Le Mirouer

dés Apothiquaires.



A LYON,

Chez Thibault Pâtes pharmaciens
Dame de Confort.



1900 M. 31

1900 M. 31



1900 M. 31

P R A E C L A R I S S I M V M
 artium & Medicinæ Doctorem, domi-
 num Ioannem Galfredum serenissi-
 mi Lotharingorum, ac Barenſium du-
 cis physicum digniſſimum Sympho-
 rianus Campegius eiufdē prin-
 cipis archiater, ac eques au-
 ratus Fauergiæ dominus
 Salute plurima
 impertit.



I T T O ad te phar-
 macopolarū nostro-
 rum Speculum, pars
 tim nuper à me edis-
 tum, partim recogni-
 tum, speculū, inquis,
 mittis? Speculum sa-
 nè, sed lingua Gallica nostris phar-
 macopolis necessarium : nimirum vt ris-
 deas : si tamen vnquam ridere potest
 homo tot curis distriktus, tot negotio-
 rum fluctibus obrutus. Sed cui potius
 mittam, quicquid fuerit illud, seu ludis-
 crū, seu seriū quod meæ camænæ pro-

daxerint quàm tibi vnico meo Meccæ
nati, qui solus & addis animum An-
tonio Campegio filio meo charissi-
mo, & alis ingenium tanquam filio, et
omnium suppeditas & ornas studia.
Te igitur hortor Ioannes mi charissi-
me, vt speculum nostrum vnà cum
specillis Chyrurgorum perlegas, has
beasque in manibus frequenter, quos-
rum lectione amicitia ac fraternitas no-
stra fiat cumulatior: vita frugalior: sed
ne morosior sit prologus quàm
fabula. Vale, & Symphorias
num symphoniace lus-
dentem symphos-
niace vt facis,
ama.

Prologue.

Cy cōmence le Myrouer

dés Apothiquaires, & Aromathaires,
par lequel ont peult vcoir la ou com-
munement errent aux simples medis-
cines a cause dés autheurs Mahomes-
tistes, Arabes, Persiës, & Aphriquains :
cōposé par messire Symphorien cam-
pese cheualier & premier médecin de
treshault prince monseigneur le duc
de Lorraine, & de Bar, & Calabre.

Prologue de l'auteur contenant
la noblesse & anciennete
de medicine.



V A N T ie cōsidere
la noblesse de la sciēs-
ce & art de medicine,
laquelle a este louée
& magnifiée anciens-
nement par Prophe-
tes, Empereurs, Roys
& Princes, a cause de son subiect leql
est l'hōme le miracle & myrouer du

Prologue.

nulle faulte ne peult estre faicte par monde, & a cause duquel Dieu a crée le monde, cōment est escript en la sainte escripture, & le conferme Mercure Trymegiste Roy & grant prebstre de Egypte : & pource Aristote appelle l'homme le petit monde, lequel a este faict a la similitude d'ung grant monde, et pource que l'homme contient en soy l'ame raisonnable, & ensemble le corps, les Egyptiens anciennement constituerēt par leurs loix que les medecins seulemēt feussent prebstres, afin qu'ilz eussent la cognoissance non seulement du corps, mais aussi de l'ame, afin qlz sceussent ministrer & curer non seulement des maladies corporelles, mais aussi spirituelles, a celle cause la medecine a este moult louée et approunée par la sainte escripture, cōmēt appert par l'ecclesiaste Ecclesiastici. xxxviij. De Dieu est toute sancte et vertu medicinalle, & crea icelle de terre, & donna vertu aux plantes, & n'est le medecin que le ministre de Dieu & de nature. Et dict Homere le plus ancien

Prologue.

des Poetes, que vng medicin saige & prudent doit estre prefere a plusieurs autres. Et Plinius dict que la medicine ses premiers inuenteurs elle collocqua aux cieulx. Et les gentilz dyent que les premiers inuenteurs d'icelle furent les dieux, comme Apollo, Asculapius & semblables : & ce a cōferme Hypocrates en l'epistre ql escript aux Abderites disant medicine estre le don des dieux & liberalle sur toutes autres sciences. Et d'icelle iamais ne print recōpense ne salaire pource que c'estoit le don de Dieu, & qu'il auoit des biens pour viure sans icelle faire mercenaire : & d'autant que la dogmatique medicine est louee, d'autant l'emperique est a vituperer, pource que la dogmatique dont Hypocrates fut innéteur est vraye science & naturelle, l'emperique est faulse & perilleuse. Et dicelle dict Plinius lib. xxix. chapi. premier. Nul faulx iugement, nulle mésonge nest plus des testable ne plus fort a craindre que celle le quest & prouient de medicine : car

Prologue.

medicaine que ce ne soit au preiudice & dangier de la vie humaine. Et pource que les Pharmacopoles dict Apothicquaires & Chyrurgiens sont les ministres des Medicins, & particulx sont administrées les simples et composées medicines sans lesquelles les medecins ne peuvent ouurer ne exercer leurs sciences, nō plus que les painctres ne peuvent faire leurs ymages sans couleurs, ne les sculpteurs sans pierre ne terre: aussi les medecins sans simples ou cōposées medicines par apothicaires ou chyrurgiēs pparées ne peuēt appliquer medicines, pource que le scauoir & science est en lesperit & entendemēt, mais loperation est manuelle, laquelle se doit ordonner par le medecin, & cōposer par le chyrurgiē ou apothicquaire, & nō plus que vng maillon ne peult bien ouurer sans pierre ou terre: ne painctre sans couleur, ou cordōnier sans cuyr, & pelletier sans peau, aussi ne peult medecin ministrer a nature sante sans simple medicine ou compos

Prologue.

sée. Et pource que les simples medecines sont apportées de estranges regiōs: comme des Indes, des Perses, des Arabies, de Egypte, Palestine, Melinde, de Pontho & extremes parties du mōde, comment sont les regions orientalles & meridionnelles: lesq̃lles sont chaudes, & de complexions aultres que celles de nostre region, & par la pluspart incongneues a nous, & moult difficile a cognoistre quant sont bonnes & conuenables a ceulx de Septentrion region froyde, ou a ceulx de Europe. Car Dieu & nature ont donné a chascune prouince ce que est necessaire pour la vie de celle region: car Dieu & nature ne abondent en choses superflues, ne delaissent en choses necessaires, & vtils aux viuā. A cestecause en mon liure des corrections des apothicquaires & medecins Arabes, Persiēs, Aphricains, & Israēlites ay voulu en Latin escrire les erreurs qui communemēt se font en medecine par ignorance des apothicquaires a cause de la secte Ara

Prologue.

bique & Mahometiste, laquelle a rempli les Latins, & Chrestiens de leurs erreurs Arabiques, & ont faict leur couverture & plattris leurs ignorances de la couuerture des dictz des Grecz comment de Hypocrates, Galien, Alexandre, & Paulus egyneta: mal entendu, & tresmal interpreté & commenté: pource que les barbares ne peuent que barbariser, & les balbuciens ne peuēt droictement parler: comment est dict au prouerbe commun: Balbí non nisi balbos intelligent. Et pource que les chyrurgiés Francoys lesquelz sont, & prennent leur chyrurgie de Montpellier cōmunement n'entendent, ny scauent parler latin: mais ont leurs liures, comme Guidon, de Vigo, Gourdon, translatez en Frācoys, & aussi la plus part des apothicquaires sont ignorans la grammaire, & nentendent latin: si n'est le latin de cuy sine, ou bien, passe par le crible, & non par le tamis. Iay bien voulu rediger les erreurs par eulx faictz, lesquelles iay escript en Latin a

Le Myroter des Apothicquaires,
mon liure Castigationum: & reduire
par maniere de epithome en nostre lā
gue gallicane, affinque les Apothics
quaires, & chyrurgiēs barbiers nayent
cause de ignorance enuers Dieu, & le
monde.

Des erreurs que communement font
les Apothicquaires, ieunes Medis
cins, & aultres en leur grande com
position de Tyriaque & Methridat
quant aux simples.



Andromachus anciē
medicin fut le p̄mier
qui trouua la Tyrias
que, & apres luy Ga
lien, plus par gloire,
affin dauoir de luy
memoire, q̄ par vti
lite: & apres Auicenne, & aultres Ara
bes et Persiēs, ont voulu ensuyure And
romachus, mais ilz nont pas entendu
les simple dicelle cōposition, & si ont
ignore le nom dicelle, & pourquoy
elle est denōmee & appelee Tyriaq.

Le Mirouer

Les Arabes ont voulu dire qu'elle saps pelle Tyriaque d'ung Serpent nommé Tyrus, qui est chose faulſe: car nul ſerpent en l'āgue Grecque ne Latin eſt nōme Tyrus: & eſt dictē Tyriaque cōme recite Galien en ſon liure ad Pāphilon vallant autāt a dire cōme tranquillite laſlle elle dōne a ceulx q̄ la p̄nnēt. Les Latins diēt q̄lle eſt appellēe Tyriaque des beſtes venimeuſes: car elle vault a toutes morſures de beſtes venimeuſes. Vray eſt q̄ les Arabes & Barbares appellent le ſerpent que les Latins dyent vipera Tyrus, par langaige corrompu & inutile, & le nom de Grec enuers les Grecz ſont eſpece ſpeciale & nom expres Tyrus, et les trociſques qui entrēt en la Tyriaque ſont faiētz de la chair de Vipere, laſlle ſe treuve en Italie, & en Aquitaine auſſi, & a Narbone, & toute prouince chaulde: & ne fault aller aux Indes, ne en Egypte pour trouuer Vipera: car il y en a aſſez eſ Itallies, & Gaule cōment auons declaire en noſtre liure Caſtigationum.

des Apothicquaires.

Auicēne le prince des Arabes a bonste deux foys Centauriō en Tyriaque, & a delaiſſe par ignorāce Pentaphilū, & pource en ce petit liure voulōs mōſtrer q̄ pour le temps ou nous ſommes nauōs ne pouōs auoir vraye Tyriaque pource que pluſieurs ſimples entrent en la tyriaque de Andromachus, & de Galien, dont nauōs aucune congnoiſſance, ny en Frāce, ny Italie, Eſpaigne, & moins en Germanie : comme ſont Baulme, myrrhe, rheon, amomum, cinamomum, caſſia, ſchoeni, anthos, diſſtamum, petroſelinū, ſcordiū, thlapī. hedychroum malagma, quod alindaracum Arabes vocāt, aſpalathon, Calamus aromaticus, & aultres pluſieurs.

Quant au Baulme nous nen auons point de vray, & eſt ſophiſtique. Ien ay veu aultresfoys a madame Anne de Frāce dix ou douze ampolles de voĩtre, deſquelles les vnes auoyent eſte enuoyees du Souldan de Egypte au roy Loys vnziēſme ſon père; les aultres au duc de Bourgongne Charles : les aul-

Le Myroner

tres au roy Charles huyctiesme son frere : Mais l'une ne sembloit de rien a l'autre : & cuyde & suis d'opinion q̃ la pluspart estoit vraye terebenthine ex grano viridi, laquelle apres le baulme est la royne des gommes, et se approuche fort a la propriete du baulme, laquelle croist en palestine, & aux lieux transmarins. Et celle que lon dict venir de Venise cest gomme laricis arboris, & non terebenthine aucunement. Car la vraye terbenthine vient de si loingtains pays, et en si grosse difficulte, que la liure portee en Frâce cousteroit plus a cause du port de dix escuz, pource q̃ a cause de la ebulition elle ne se peult porter longuement.

Quant du carpobalsamum, & xilobalsamum ne auons point nom plus que du baulme, car si tout le carpobalsamum, & xilobalsamum que viens nent au foyres de Lyon, & Anuers, & a Medine delcampo estoient vraye nō sophisticuees, fauldroit que la vigne de angadix ou croist le baulme feust

vne lieue de long, & autant de largeur: ce que nest pas, & ne fut iamais que vng bié petit iardin au Cayre qui premierement fust en Iudee & Palestine.

Quant a la myrrhe, nous la ignorons en France & Italie, car la vraye myrrhe est odorifere, & bien odorante, comme recite Dioscorides, & celle laquelle nous auons ne sent rien, mais plustost a mal odeur, & ne scauent noz pharmacopolistes bouter difference entre myrrhe & bdellium, lesquels sont differens en odeur, proprieté, saveur, & couleur.

Quant au Rheubarbe ce nest pas rheon, lequel descript Dioscorides, ne Racoma apud Plinium, lequel croist au pres du fleuve Rheon, mais le Rheubarbe lequel nous vsions a este incogneu aux Grecz, a Hypocrates, & Galien, & est trouue des Arabes, ausq̃lz sommes tenuz quāt au Rheubarbe. Nonobstant quilz nous ont donnez dung turbith, lequel a turbe, trouble & faict des maux plus que ne fist

Le Mironer

Rheubarbe de bien aux Chrestiens, duquel Dieu nous vueille deffendre. Le Rheon escript par Diascorides le plus legier est le meilleur: le Rheubarbe duquel nous vsons le plus pondereux est le meilleur.

Quant au vray Amomon selon Diascorides, & aultres Grecz, Italiens ny Francoys ne scauent q̄ cest, & le ignorent: car il doibt estre blanc, tirant sur le roux ponderoux, & de grant odeur.

Du Cynamome selon Dioscorides sont quatre especes, desquelles quatres, nostre Cynamome comme ont peu cognoistre par Galien au liure des simples medecines ne semble estre tel comme ilz recitent: mais le vray iugement ie delaisse aux plus saiges medecins.

De la Casse laquelle est au Tyriac que si est a nous Francoys & Italiens incogneue, & celle laquelle noz Pharsmacopoles boutent au Tyriac ne a nulle conuenance avecques celle de Diascorides.

Quant

des Apotichaires.

Quant ad squinantum, que lon dict schoeni florem est incongneu a nous apothiquaires, & celluy de quoy ilz vsent sont pailles & festus plustost que fleurs.

De terra lennia que nous disons tersa sigillata, laquelle seulement venoit en lisle de l'eno sigillee du seel de Dysanne la ou fust Galien, laquelle doit estre rouge, douce a la bouche, laquelle botee en leane vient comme cire, elle est a nous incongneue a Francoys, Italiens et Germain, & celle que nous ysons cest argille de nulle ou bien peu defficace, & incongneue a nous.

De dictanon il est a nous incongneu totalement, & croist seulement en Crethe que lon dict Candie, laquelle est semblable a pulegion, mais elle a plus grans fueilles.

De petroselino il doit estre de macedoyne province de Grece, & croist apres des roches, & nest pas celluy que les apothiquaires mettent au tyriaque lequel est species apñ.

Le Myroaer

Quant du scordion ce n'est pas alliū ny aux sauluaige, mais est herbe laquelle est a nous incongneue, mais anciennement estoit vulgaire aux Grecz, elle doit auoir les feuilles semblables a Camedrñ.

De thlaspi lequel entre en la tyriaque est aux Francoys & Italiēs incongneu, & est herbe longue dung doy, & a petites fueilles trainant sur terre, la fleur blanche, & la trouuēt aux prez des sepulchres.

Auicenne en sa description Andromachus erre grandement lequel pour le nom de thlaspeos escript fiseleos contre toute verite theryaquale, comment il faict au lieu des trochisques hedycrois qui entre en la tyriaque il descript par vng nom barbare & corrompu trocisci alindaracaron, & le Hycolas les appelle trochisci dyacorralli. Quant a calamus aromaticus sine odoratus, lequel vient aux Indes seulement doibt estre de couleur rouffe, & aussi a nous incongneu:celloy

des Apothiquaires.

que nous vsons nest pas calamus, mais racine plustost.

Ou si comment escript Galien en son liure ad Pamphilianum par vng simple adultaire toute la composition du thyriaque est faulse & de petite vertu. Que dirons nous de la thyrias que faiète a Tortonne, Montpellier, Bolongne, Padoue, & aultres lieux la ou ne deffault pas vng simple seulement, mais plusieurs comme a este dict, & aux lieu dicculx, que le pire, ont boute aultres simples mauuais, comme salpaistre: & au lieu de baulme, la gomme laricis, Parquoy ne se fault esmerueiller si a present le thysriaque de laquelle ont vse, na la vertu & propriete de celle de Galien ou Andromachus, & nya que troys ans que a Lyon fast faiète le thyriaque par Rene villateau apothiquaire scanât, & par Claude puissart a plain de foye re deuant tous apothicaires de toutes prouinces, lequel Rene respondit scanamment & scientifiquement a tous

Le Myrolier

venās apothiquaires & medecins, & si
bouta au lieu des simples lesquelz ne
se peuent trouuer aultres plus prous
chains a leur vertu, mais nonobstant
toute diligence par icelluy faicte ne
croy ie pas icelle thyriague auoir la
propriete de celle de Andromachus ne
de Galien, mais ie confesse bien quelle
soyt meilleure & moins mauuaise
que celle que lon faict ailleurs a la
grosse mode, & en lieu ou na pas la
commodite quest a Lyon des simples:
car Lyon est vng aultre corinthe la ou
viennent marchans de toutes regions.

Aultres erreurs de simples
ou errent les apothiquaires
& chyrurgiens.




DV sanguis draconis lequel
dient estre le ius d'une herse
benommee par Diascoris
des sideritidis manifestes
ment errent noz apothicai
res, car sanguis draconis selon Diascos

des Apothiquaires.

rides est, plustost metal que ius de herbe lequel il appelle Cinabaris non pas que soyt cynabre que len diët vermeillon, car levermeillon est artificiel, & le cynabaris selon Diascorides & selon Pline est naturel, & de ce Cynabaris que lon diët sanguis draconis naturel vsent les medecins es maladies pour restraindre le sang, & les painctres pour varier les couleurs, & est moult cher, & ne sen treuve guere, & speciallement du bon, & non sophistique, car celluy que communement vendent les apothiquaires est faulx & adaltere: & est aultre chose Cinabrium, & Cynabaris, car Cinabrium est vermeillon & artificiellemēt faict, & Cynabaris naturel. Cinabrium est faict de plomb, & venimeulx, Et Cynabaris medicinal. Galien en son neuuesiesme liure de simples diët Cinabrium est genre de metal, & Auersrois au cinquiesme liure du colliget diët que sanguis draconis est genre de metaulx.

Le Myrouer

Errent aussi les apothiquaires & medecins en lherbe que lon dict Eupatorium, car selon Dioscorides Eupatorium est celle que nous appellons agrimonie, & celle que communes ment mettent noz apothiquaires avec syrop. de eupatorio est herbe non descripte ne nommee des anciens auteurs, & ce tu peulx veoir en Dioscorides au chapitre de Eupatorio aussi que plus a plain iay escript en nostre liure castigationum au premier liure. cap. xxj.

Errent manifestement noz apothiquaires lesquelz boutent aux medecins une racine laquelle est du genre des Lactices & tintinales, pour Turbith lequel trouble et perturbe et mortifie plusieurs par sa venenosite & maulice. Serapion dict Turbith estre aromatique, Mesue dict estre lacticine, & ce que  dict, lautre dict le contraire. Parquoy ie concluz nestre aucun Turbith en France ne en Italie, & est abzuz vser de telle & faulse & venis

meuse racine que communemēt vsent
 noz apothiquaires, & en ay veu vser a
 aulcuns mediciens dont mal sen sont
 trouuez, & ont encouru honte & ver-
 gongne, cōmment ie veis a Lyon vng
 gentil homme auquel vng medicin
 Alleman donnant vne drachme &
 demye de turbith, & dens cinq heu-
 res il deuint par tout le corps com-
 ment sil eust la verolle des enfans
 avecques vomissement, & son vris
 ne noire comme encre, lequel incontis-
 nent mēuoya querir, & apres plusieurs
 remedes a luy appliquez guerist, mais
 non pas sans gros dangier de perdre
 la vie, & estoit le gentil hōme a mons-
 sieur le chancelier à Prato legat, a ces-
 ste heure en France, & le visitoit avec
 moy monseigneur Capellani regis pa-
 ræ medicus. Lediēt gentil homme
 auant la prinse de ce turbith estoit
 sain & allegre, mais a lappetit du me-
 decin Alleman pource que cestroit en
 Avril la ou cōmunement ont prent me-
 dicine, il se voulut purger dung, mal

Le Myrouer

sen trouua, & me semble si bien ien
fais recors quil senommoit monsieur
du Clo.

Noz apothiquaires aussi errent en
Sendaraca auecques les Arabes pource
que Grecz & Latins pour Sendaraca
entendent vne pierre metal, lequel
comment escript Galien au liure des
simples ad Paternianum chapitre cét
trenteneuf, lequel vient de Cappado-
ce, & du Pont, & Cicilie, & est pierre
de couleur de feu, mais les Arabes diét
sendaraca estre vne gomme laquelle
noz apothichaires appellent vernix
chaulde & seiche complexion, mais
les Arabes ont failly pource que tous
tes les proprietéz que les Grecz ont
donne a Sendaraca & pierre metal
lique ilz ont attribue au vernix, la-
quelle chose ne se peult faire, parquoy
ont mal entendu les Arabes Galien
& Dioscorides au chapitre de senda-
raca.

Apothiquaires Francoys, Italiens &
autres sont abusez & errent manife

siement en vne racine laquelle appellent faulxement Rheuponticum, car Rheuponticum nest point au Rhens barbe different, mais se appelle ponticum a Pontho quest vne isle dont fut Roy Mitridates, leq̃l trouua le mes tridat, non pas celluy auquel nous vsons dont noz medecins, & apothicaires abusent, & crois quil est de la propriete de Esdra magna, laquelle pour la multiplicite & nombre des simples est confondue & lon delaisse les sçauans & doctes medecins, celle racine que noz apothicaires appellent Rheuponticum, cest centaurea maior vrayement, laquelle Leonicens na voulu nommer en son liure des erreurs de Plinius & Auicenne, laquelle le centauree a plus de vertuz que na la mineur centauree, quoy que dient Mesue & Serapion, lequel Mesue confont la mineur & la maior: si faiet Serapion & tous les Arabes. Et nest pas de merueille si la medecine faiete de Centaure dont Galien a faiet vng

Le Myrouer

Ilure nala propriete queluy donne Galien, car Galien entend de centans rea maiori & non! minori, & le translateur au lieu de la maior a boute la mineur : comment tu peulx congnoistre en lisant les liures de Galien de maiori centauro, & Dioscorides & Paulus & aultres Grecz lesquels ont parle des simples: & la cause dicelle erreur ont este les Arabes qui ont mal entendu & interprete les liures des Grecz, & ce qui dict Mesue, & aussi Auicenne ne q le moindre est tousiours le meilleur, cest faulte, & contre l'opinion de Dioscorides & Galien : la mineur est amere, & la maior tire sur la douceur, & aussi que la mineur se peult dire felterra. La maior se peult nōmer melterra: & ce que dict Mesue quelle vault aux playes & vlcres, & cest la grande, & non la mineur, parquoy il confond la propriete des deux.

Auicenne aussi confond lapis lazuli avec lapis armenus, si font aussi tous les Arabes comme Serapion, & les

boutent tous deux sus vng chapitre contre toute verite: & ce que tu congnoiſtras, ſi tu confere Auicenne & Serapion avec Dioſcorides & Galien le lapis lazuli eſt venimeux. Et ne vault rien que aux painctres & ceulx quilz la boutent en la confection diabolique archerimes laquelle medicine ceulx qui la prennent enuoye aux champs Eliſees bien toſt apres, font treſque mal & contre Dieu & conſcience, & ne veis oncques homme quil print dicel le ne auſſi de pillules de lapis lazuli quil ne moruſt bien toſt apres. A ceſte cauſe les apothiquaires ne la doibuent preparer mais la laiſſer aux Barbares, Mahometiſtes, & Arabes ſauluaiges. Et dicelle auſſi parle en noſtre liure caſtigatiõ au premier liure: cap. xvñ. amplement. Queſt la cauſe que pour le preſent men deporter den plus amplement eſcripre.

Errent auſſi communement les apothiquaires & medecins, leſquelz quãt veulent vſer de Cantharides oſtent les

Le Myrouer

asles comme le pire de la Cantharide, car selon les anciens Grecz les iambes & piedz sont les plus venimeuses & pernicieuses, que le residu de la Cantharide, & de ce lys Dioscorides, Galien, & Plinius: Neantmoins elle est toute dangereuse, et ne se fault iouer a icelle sans grande prudence de medecin & chyrurgiẽ, et nest a vser a idio tes, & plusieurs sen sont tresmal trouuez de leur vsaige.

De cardamomum, Theophraste & Dioscorides boutent quatre especes ou genres. Les arabes appellent cardumeni celluy que Dioscorides nomme Cardamomum, & au nom de Cardamomum boutent vne espece que aucuns appellent melligueta, laquelle nomment Cardamomum, & deux especes, maius, & minus, mais icelluy est bien different en vertu aux quatre especes que nomme Dioscorides, duquel Cardamome on ne treuve point en France ny Italie, & vsons dicelluy que les Arabes nous enuoyent contre

l'intention de Dioscorides, & de Galien & Plin, comme auons amplement escript en nostre liure Castigationum. Et in officina apothecariorum.

De malabatrū, que nous appellōs folium, les apothiquaires abusent manifestement, & au lieu de malabatrū ou folium vsent d'une feuille d'un arbre dont ilz ignorent l'espece, & le nom, & du folium lequel est precieus, & qui croist en Syrie & Egypte. Noz apothiquaires nen veirēt oncques vne feuille, comme iay bien monstré & escript au liure Castigationum. Chap. iij. & en nostre officine.

De amomum aussi noz apothiquaires abusent, & nen veirent iamais, comme aussi ay escript audict liure amplement.

De musco aussi selon la description de Dioscorides nont aulcane notice, lequel seappelle splāchnon, lequel croist aux arbres populo alba & quercu, & Cedro selon Dioscorides, & le muscz

Le Myroner

duquel nous vsons sappelle moschus, & non muschus, lequel est trouue par les Arabes & Syriens en médecine. Si tu veulx scauoit la differéce de muscus & moscus lys nostre liure Castigationum, & nostre officine la ou amplemēt en auons escript.

De spicanardi sont neuf especes: & celle de laquelle nous lisons cest plus spica celtica quā indica, et Galien entend de spica indica: neantmoins Celtica est de grāde vertu, et lerreur nest pas grande prédre lune pour laultre, dicelle auons escript amplement en nostre liure Castigationum. Chap.viij.

De Endiuia abusent noz apothiquaires, car celle de laquelle ilz vsent cest lactuca filuestris, & de genere lactuciniorum, & la vraye Endiuie cest selon les anciens scariola, comme auōs demonstre libro Castigationum. Chapitre.xviij.

De Scolopendria abusent noz pharmacopolistes, car la vraye Scolopendria cest celle que nous appellons ces

des Apothiquaires.

térac, comme auons escript in lib. Castigationum.

De Orobo errent noz appothiquaires que au lieu de Orobus prénent les vesses, & cest celle que on appelle Geses, lequel a troys angles, comme auons escript libro primo Castigationum. chapitre.xxij.

De rephano ou rheifort abusent noz apothiquaires lesquels prénent le rheifort saulzaige, et ilz doibuent prendre le domestique, & prennent rapistrum au lieu de raphanum, cōme tu liras au liure Castigationum.chap.xxij.

De Costo abusent noz apothiquaires, lequel doibt naistre aux Indes auspres du fleuve Physon, qui vient de paradis terrestre comme dient les theologiens, nomme Indus fluius. Dioscorides dict quil viēt aussi de Arabie, aussi vient de Syrie, du vray Costus venant des Indes: noz apothiquaires nen veisrent iamais non plus que de Amomū: comme auons escript a mplemēt lib. i. Castigationum.chap.xxvi.

De ribes dont est faict le syrop de ribes est incogneu a noz aromathaires, & aulcuns ont voulu dire que cest Rhānus rubens que nous nommons Grasseilles rouges a Lyon, lesquelles grasseilles ont grande similitude a la propriete de ribes selon Dioscorides, ainsi que auons escript lib.j. Castigationū. Cap.xxviij.

Du Spodium que noz apothiquaires errent grandement, car communement au lieu Spodiū ilz vèdent des os de cheual, de beuf, ou aultre beste, et les vngs dient estre os elephātins, les aultres dient estre cannam marinam ou species canne. Mais quant ie veulx ordonner spodium, ie prens dentem elephantis combusti, comme ay escript in lib.Castigationum. Cap.xxix.

De acacia abusent noz pharmacopoles, lesquels prennent succum prunellorum, & est le fruiēt d'ung arbre spineux, duq̃l fruiēt ont faict le ius, & est deseiche dont est faict acacia, & vient en Egypte, & est incongneue acacia a noz

a noz apothicquaires comme auons
escript lib.j. Castigationum.cap.xxx.

De Ambra, les Medicins sont de di-
uerfes opinions, lesvngs dient que cest
spuma maris, les aultres sperma ceti,
les autres estre dūg arbre en la mer, les
aultres estre gōme, les aultres estre le
foye dūg poisson, les aultres estre la fiē
te dune beste, les Arabes dient estre en-
gendre en la mer cōme vng champais
gnō siue fungus in terra. Et pour dire
verite nul medicin ny pharmacopole
ne scait q̄ peult estre ambra, et to⁹ igno-
rent sa naissance: mais pource que cest
chose aromatiq̄ et facile a congnoistre
ie men deportte, pource que nest pas ers-
reur dangereuse: & experience lōgue
donne a congnoistre la vertu soit de
mer, de terre, du ciel, ou du feu, de laër,
ou bien des regions incongneues.

Quant a Scamonce, medicine par
excellence laxatiue et dangereuse plus
que Cerberus ou biē Beelzebuth, noz
aromataires en vsent sans discretion
ignorans les maux lesquelz prouient

Le Mironer

nent dicelle, car elle est ennemye de les
stomach, corrompt le corps humain,
& cest ius de vne herbe incongneue a
tous Apothicquaires de France & Ita
lie : & nest apothicquaire homme ays
mant Dieu qui oFAST iurer & affermer
de quelque Scamonee que lon sceust
trouuer q̃lle soit vraye Scamonee, car
cest vng ius dherbe inspicee hors la cō
gnoissance de tous humains, & toy
Medicin qui lordonne, & toy Aromas
taire qui la prepare, & en fays vng dias
grede avec paste mal pastee de coings
ou cotanum : tu metz ton patient a
laduenture toutes foys que tu lapplis
ques & donnes a lhomme Chrestien,
considere si a laduenture, & sans cons
gnoissance dune drogue donnes a ton
frere Chrestien ce que tu ne voudroys
prendre pour toy. Tu ioues a la pelote
te de ton frere Chrestien, comme font
les mariniers de leurs esclaves : tu dōs
nes & exhibes a ton semblant de Scas
monee & a laduēture cest Succus tintis
malis, ou herbe venimeuse, & quant

elle seroit vraye, tu deburois trembler de la dōner pour les maulx quen dyēt les autheurs Grecz & anciens: tu pourroys dire les Grecz cōme Hypocrates, Galien, & aultres Grecz ont vse dicelle, & exhibe aux malades. A ce respōd que du tēps de Hypocrates, & Galien, les medicines benediētes estoient incongneues, comme Casia fistule, Zuccharam nostrum, Manna, Rheubarbarum nostrū, Scene, & aultres. Et pour ce Hypocrates en son quart des Amphorismes parle de eleborus, & de la purgation, & ne le bailloit que a gens desesperes de maladie, & la ou tout aultre remede deffailloit: & si de son temps eussent este congneues medicines benediētes, neust oncq̃s ordōne Scamonee. Oultre, Hypocrates estoit idolastre, & Galiē Gētil, et nanoyēt ny la loy Israelitiq̃, ny Chrestienne pour iceulx regir et gouverner a la crainte de Dieu. Neantmoins dict Galien primo Amphorismorum. Nobilitas subiecti facit nos in experimētis multum esse tis

Le Miroir

midos . La noblesse du subiect quest
l'homme nous faict estre moult crain-
tisz aux experiences.

Quant au Bitumen iudaicum siue
asphaltū les Apothicquaires abusent,
car il ne se treuve de celluy en Frâce, ny
Italie que soit vray Bitumē iudaicum.
Et celluy q̄ noz Apothicquaires vsent
est adultere & falsifié, cōme nous auōs
escript libro. j. Castigationum. capitu.
xxxiiij.

De Colofonia aussi laquelle. com-
me recite Plinius est pix Erica, noz Aro-
mataires abusēt, & au lieu dicelle nous
vendent la lye, & fecez olei cōme auōs
escript lib. j. Castigationum. capitu.
xxxv.

De osse de corde cerui abusent noz
Pharmacopoles, car ilz nous vendent
les os de cheual, & de beuf au lieu de
osse de corde cerui: & en trouuerez pl⁹a
Lyon a vendre que na de cerfz en tou-
te Frâce, Italie, & Espagne, & sont lar-
ges comme vng grant blanc, la ou os
de corde cerui n'est non plus grand que

des Apothicquaires.

vng noyau de amande , & donnent le cent pour vingt solz, la ou cousteroiét dix frans silz estoient vrayes.

Du lignum aloes siue Agallochō errent nos Pharmacopoles , car il doit venir des Indes par Arabie ; & doit estre gommeux & odorifere, & celluy que noz Aromataires vendent na nul odeur, & cest oliuastre, ou aultre herbe semblable , & se trouue bien rare le bon, lequel couste la liure plus fix foys que celluy que lon vend cōmunemēt. Et les Apothicquaires qui boutent cest Oliuastre au lieu de Lignū aloes sont faulsaies. Dicelluy est escript lib.j. Castigationum. cap. xxxvñ.

De Serico siue bōbace siue seta , errent noz Aromataires lesquelz le brulent & font mal, car par cōbustion & bralement ilz font perdre la vertu, mais le doiuent couper subtillemēt, & apres le broyer avec perles, & margarites, & Karabe, & Corallis rubeis, & ainsi se puluerise facilement: les aucuns le lauent, mais ilz font mal,

Le Mirouer

car la vertu en la decoction se pert. Et quant tu treuues aux liures seta adusta & torrefacta, se doibt broyer comme est dict, comme auons dict au liure Castigationum.

Du camphora, Auicenne recite vne fable, plus tost que hystoyre, en disant quelle se treuve en vng arbre la ou les Leopars habitent, laquelle ne se peult auoir certain temps. Dioscorides dict que cest le ius d'une herbe: ie croy que les anciens nont point eu la congnoissance du Camphre duql nous vsons, car cest vernix passe par Alambis sophistique des Archemistes comme ay escript libro primo Castigationum. capitulo.xl.

De la colloquintide, ou collocintide courde sauuage, laquelle purge le phlegme, ie dis q'elle est maligne, & a nous donnee des anciens, pource quilz nauoiēt aucune cōfig. sistance des medicines benedictes. Et conseille à tous Chrestiens iamais dicelle vser en medicine. Je demande à Mesue qui dicelle a paru

le comment seurement il peult donner à l'homme Coloquintide, car il dict celle qui n'est pas meure, & celle que est seule en l'arbre sont venimeuses, dangereuses, mortelles, & purgēt le sang, & tūēt l'homme, & ceulx la que naissent aux fortes terres, & pres des li-
 bestes venimeuses sont mortelles, & il ne donne pas la congnoissance à congnoistre icelle Colloquintide, par quoy concluz que celluy medicin le quel dōne à vng patient Coloquintide, & il na la congnoissance selle à este seule en l'arbre, ou selle est creue en terre forte aupres des bestes venimeuses q̄l bouste son patient en dangier de mort, & s'il meurt de celle maladie est digne, & à merite pugnition corporelle, si nō mortelle, à tout le moins sensible.

Aux Hermodactyles errent les Aromataires grandement, pource que cōme dict Dioscoride *hemeron*, & *Colchicō* sont semblables aux Hermodactyles totalement, ou pour la plus grande partie, & Plinē bouste *Colchis*

con entré les medecines venimeuses, & Ephemeron entre les benedićtes medecines. Et Paulus Ephemerō entre les venins colloque, & aucuns mettent Ephemeron entre les venins. Les autres entre les benedićtes medecines. Et pource que Ephemeron, Colchitū, & Hermodactyles sont de couleur fleur, Racine presque semblables, & que les auteurs boutēt lung des venins, lautre entre les medecines benedićtes. Cōseille ne point vser des Hermodactyles, ny des compositions ou ilz entrēt, comment amplement iay escript lis bro primo Castigationum. capitulo. liiij.

De Solamum que lon dićt solatrū siue morelle sont quatre especes, cest ascanoir le Noir, lequel naist en Egypte, laql a vertu de refrigerer, & aussi naist en Italie aux iardins, & est domestique, le second est appelle Halicababum, & naist dedans vessies rouges, & le fruićt est rongé & rond: le tiers s'appelle Somniferum, & a plusieurs ras

meaux: le quart s'appelle *M. niacum*, id est *furiosum*, & porte la fleur noire, & le fruit noir & rond, cōme le fruit de *Dedera* semblable, & noz Apothiquaires l'appellēt *morelle*, siue *solatrū*, leq̃l ilz boutent en icelle *Demoniacs* que, & furieuse cōposition que lon appelle *Trifera persica*, laquelle les Persiens ont trouuée pour les Chrestiens faire furieux, & s'appelle *Solanum furiosum*, pource qu'il faict ceulx qui le prennent venir furieux, & est vray venin, comme dict *Theophraste*, & *Dioscorides* le conferme. Depuis aucuns temps aucuns Medecins ont boute la trifere Persique en vsaige, dont plusieurs ne sen sont pas bien trouuez, car en icelle entre vne lib. de *Succi solatri furiosi*, que lon appelle *Morelle*, et dict *Theophraste* q̃ si l'hōme en vne doze prêt dragmes quatre il mourra, si deux seulement, il deuiendra furieux & insensé: de ce *Solanum* & de *Trifera persica*, ay amplement escript *libro secundo Castigationum*.

Le Myrouer.

De Mādragora, de Opio & Iufquiasmo, les apothiquaires doibuent ſeu garder den vſer aucunement ſans le conſeil des doctes & ſcauās mediciens, pource que Mandragora comme recite Dioſcorides cauſe lithargie, & faiēt dormir ſouuent ſans reueiller. Et Opiū comme diēt Nicander faiēt demange- mens par tout le corps, & cauſe ſtupéfaction, langueur, la face palle, & autres maux pluſieurs, et bien ſouuent la mort ſoudaine.

Le Iufquame a trois eſpeces, et toutes trois cauſent ſtupéfaction & enyurēt, mais le noir eſt le pire, pource q̃l tue & deſtruiēt la perſonne, et denvſer eſt perilleux, car qui en boit deuient furieux & infeſe, le blanc eſt le moins mauuais.

De la Cicute & de Cucumeris ſylueſtris, & de Eſula & laurcola ie men deportte, car apothiquaires nen doiēt aucunement vſer ſans conſeil de ſcavant, expert & fidele medecin, ny bail- ler a perſonne ſans premierement ſca-

des Apothiquaires.

noir comment il en veult vser, car sont
simples mortiferes & dāgereux. Daultres
choses plusieurs tant simples que
composees ay escript en mon liure Ca
stigationum en latin, dōt men depors
te, car les pourront veoir & lire les sca
uans & latins apothiquaires, mais icy
ay bonte seulement sommairement a
cause que ceulx qui nentendent latin
ou bien que latin de cuy sine, & aussi
les chyrurgiens Francoys, lesquelz ne
lisent leur chyrurgie que en Francoys.
Daultres en laisse plusieurs composees
comme le syrop de Acetositate citri, les
quel ne se peult faire selon raison en la
forme que Mesue le descript, car Mesue
dict, Accipe succi citri lib. xñ. & pour
vne chascune liure fault douze citrons
que sont en nombre cent & xliiñ. ci
trons en toute la composition, & par
ainsi faisant seroit le syrop si chier que
personne si nestoit prince ou bien gros
seigneur nen voudroit vser, car a grāt
peine on treuve en Frāce quatre citrōs
pour vng escu dor, & la liure du syrop

Le Myroner

consteroit plus de cinq escuz, & aussi ainsi que le descript Mesue, ne se peult bonnement composer comme chascun apothiquaire peult facilement congnostre, ie delaisse de parler des compositions faiçtes par Mesue & Nicolas & Cophon la ou manifestement ilz errent en bontant aux compositions choses faulses, & que ne se peunēt trouuer, & sont mal entenduz, & en abusent noz mediciens & aromataires, car ien ay amplement escript en nostre liure Castigationum, et en nostre officine en latin: mais en ceste recollection & myroner ay volu seulement descripre les choses la ou noz apothiquaires et chyrurgiens lesquelz ne scauent entendre latin ou bien que latin des femmes & de cuisine, prennent doctrine & nayēt excuse crasse non raisonnable enuers le mōde, & par ainsi feray fin quant aux apothiquaires lesquelz souuent esfoys abusent & contrefont les mediciens, la ou les plus saiges sont biē empeschez, dont plusieurs souuent perdent la vie a

des Apothiquaires.

cause que les apothiquaires. veulent faire et contrefaire du medecin, desq̃lz Dieu nous vueille deffendre, car plusieurs maux en viennent & font souvent les cemetieres bouffes auant leur terme. Et apres auoir descript les abuz des ignorans non scauās empericques pharmacopoles lesquelz deuoyēt estre grāmairiēs, saiges, prudēs, bōsesperitz de bōne memoire, fideles, diligētz, aymans Dieu & leurs prochains bien sont ignorans sans grammaire ny latin, Empericques, rudes, imprudens, sans conscience, naymant Dieu ne sa religion ou bien petit, vray est que en trouuons des saiges prudens ayment Dieu qui ne vouldroyent faire chose contre leur conscience, mais diceulx on treuve moins que des aultres, car comme dict Aristote: Bonum habet rationem finiti: malum verò infiniti. Et nature despuis le peche du premier pere est plustost enclinea mal q̃ a bien.

Cy Finist le Myrouer des
Apothiquaires.